

Noticia
Transparente
di Gobierno

ISLA ONLINE

Diaranson 3 April 2024

Email: IslaOnline@gobierno.aw Tel: 528-4952

ARTE DI MURAYA
SAN NICOLAS



**STABILIDAD
Y
PROSPERIDAD**

2 0 2 4



Gabinete Wever-Croes



Prome Minister Evelyn Wever-Croes: CORONACION RASHIDA SCHMIDT COMO MISS SUPRANATIONAL ARUBA Pa prome biaha Aruba lo participa na e certamen aki

Recientemente Prome Minister Evelyn Wever-Croes a efectua e acto di coronacion di Miss Supranational Aruba 2024, señorita Rashida Schmidt.

Universidad di Aruba. Un mucha muher bunita, inteligente, y hopi bon prepara pa e certamen aki. Unda cu Aruba participa semper tin espectativanan



Esaki ta e prome biaha cu Aruba ta participa na e certamen di Miss Supranational 2024 cu lo tuma lugar dia 6 di Juli na Polonia. Rashida Schmidt ta un estudiante di ley na

hopi grandi y sigur Rashida lo ta un digno embahadora di Aruba den e certamen aki. Prome Minister a expresa cu ta un honor y placer pa efectua e acto di

coronacion di e prome Miss Supranational Aruba y cu e ta admira e dedicacion di e organisacionnan cu ta prepara candidatanan pa certamennan asina. E trabou ta grandi ya cu mester prepara

e candidatanan cu abilidadnan y conocimiento cu nan mester di Aruba y riba hopi otro tereno. "Mi tin un respet enorme pa candidatanan cu ta prepara nan mes pa certamennan asina y

mi ta desea Rashida tur clase di exito cu e lunanan su dilanti prome cu e certamen y sigur pa e certamen mes cu lo tuma lugar na luna di Juli", Prome Minister a termina bisando.

RESUMEN

DI 23 - 28 maart
SIMAN

Asuntonan General, Innovacion, Organizacion Gubernamental, Infraestructura y Planificacion Teritorial

PROME MINISTER, EVELYN WEVER-CROES



ALUMNONAN DI MARIA COLLEGE MAVO A RESALTA CU NAN TALENTO DEN E STREAM FAIR & OPEN DAG



Recientemente, Prome Minister Evelyn Wever-Croes a atende e STREAM Fair & Open Dag di Maria College MAVO, na unda e studiantenan a duna Prome Minister un splicacion riba e significado di STREAM, y a haci demostracionan di e materialnan cu nan ta studiando den dicho klas.

Prome Minister a expresa cu e anochi aki tawata uno interesante, yena cu informacion y enseñansa, y cu tawata hopi bunita pa wak studiantenan contento y orguyoso di por a demostra nan talentonan. Prome Minister ta felicita Maria College pa organisa e evento aki, pero specialmente un pabien na e alumnonanan, cu a resalta nan talento.



LUNA DI APRIL TA WORDO DECRETA COMO LUNA NACIONAL CONTRA ABUSO DI MUCHA

08 PRIORIDAD NUMBER 1

Cu stapnan firme y sigur,
nos ta combati e problema
di abuso di menor.

Yuda nos sigui busca forma
pa stop abuso di mucha.



Durante un conferencia di prensa, Prome Minister Evelyn Wever-Croes a anuncia di ta decreta luna di April como e luna nacional contra abuso di mucha. Durante e luna aki, ta pidi tur ciudadano pa para keto na e problema serio di abuso y abuso sexual di menor, y ta pidi tur ciudadano pa yuda den e lucha contra e abuso aki, cu tin consecuencia desastroso riba e victima. Gobierno hunto cu instancianan concerni a a bin ta traha constantemente riba diferente ley y procedura pa percura cu e castigo p'e abusado ta bira mas severo, y a traha riba prevencion y educacion cu ta un parti esencial den e lucha aki. Prome Minister a expresa di ta condena abuso di mucha, specialmente abuso sexual di mucha, y ta compromete su mes pa sigui traha hunto cu e profesionalnan den e veld, pa logra combati abuso contra nos muchanan.

02 ACCIONNAN CU GOBIERNO A TUMA CONTRA ABUSO SEXUAL DI MENOR

• Prevencion

• Investigacion

• Cuido di victima

• Castigo



RESUMEN DI SIMAN

Asuntunan General, Innovacion, Organizacion Gubernamental, Infraestructura y Planificacion Teritorial

PROME MINISTER, EVELYN WEVER-CROES



GABINETE WEVER-CROES TRAHANDO NA BIENESTAR DI E COMUNIDAD DI SANICOLAS

Recientemente, Prome Minister tabata presente na e inauguracion di e cancha di basketball completamente renoba den centro di Village na Sanicolas. Na e ocasion aki, Prome Minister tabata tin e honor di duna un discurso, na unda ela indica cu Gobierno di Aruba, a traves di Minister di Deporte Endy Croes, ta haciendo tur clase di esfuerzo pa bin cu proyectonan, cu por haci un diferencia den e calidad di bida di nos hobennan. E cancha di basketball completamente renoba aki den centro di village, sigur ta trece hopi oportunidad pa e hobennan cu ta biba den e area aki y cu tin amor pa e deporte. Prome Minister ta gradici Minister Endy Croes y team completo pa tur nan dedicacion den haci esaki posibel.



23 - 28 MAART



PROME MINISTER Y MINISTER DI FINANSA TA NA CORSOU PA SALVAGUARDIA E POSICION Y E DERECHO DI ASEGURADONAN DI ENNIA ARUBA

Diaranson ultimo, Prome Minister Evelyn Wever-Croes hunto cu Minister di Finansa Xiomara Maduro a biaha pa Corsou pa reunionan importante den cuadro di e tema di ENNIA. Manera ta conoci, ENNIA ta un compania cu tin un trayectoria basta largo na pais Aruba y ta conta cu hopi aseguradonan. Mirando cu Corsou y Hulanda ta yegando na un acuerdo pa loke ta trata e tema di ENNIA na Corsou y Sint Maarten, Prome Minister y Minister di Finansa Xiomara Maduro ta na Corsou pa salvaguardia tambe e posicion y e derecho di e aseguradonan di Aruba.

PROME MINISTER Y MINISTER DI FINANSA DEN PROGRAMA DI TELEVISION "PROME ENKUMENTRO" NA CORSOU

Manera ta conoci, Prome Minister Evelyn Wever-Croes y Minister di Finansa Xiomara Maduro a biaha pa Corsou pa trata e tema di ENNIA. Durante nan bishita, nan a wordo invita den e programa "Prome Enkuentro" di e canal di television 'Nos Pais Television'. Durante e entrevista aki, Prome Minister y Minister di Finansa a papia riba varios topiconan interesante y a contesta varios pregunta.

E mandatarionan a expresa cu e entrevista aki tabata uno hopi agradabel y nan a gradici señora Mavis Albertina pa e oportunidad aki. Tambe nan a expresa cu semper ta dushi pa por bishita nos hermanas isla y comparti tempo cu nos rumannan di Corsou.





MINISTER


Ursell Arends

Ministerio di Naturalesa ta Trahando ariba un Ley Nobo pa Un Futuro Liber di Abuso di Animal

Den ultimo dianan nos comunidad a experiencia di cerca un caso di abuso di animal extremo, lamentablemente nos tin cu agrega cu esaki no ta prome biaha ni ultimo biaha cu lo sosode, si nos no trece un cambio. Ministerio encarga cu bienestar di animal ta bibando hunto cu e comunidad den e momentonan aki y ta para fuerte contra tur tipo di abuso y crueldad di animal. Simplemente nos no por keda tolera na ningun forma e tipo di comportacion aki contra nos animalnan.

Den cuadro di nos vision di naturalesa y animal a bin ta traha ariba un maneho nobo pa e bienestar di nos animalnan, mirando cu ya caba a bringa e problematica di animal pa hopi aña sin por a marca resultadonan cu impacto positivo na un nivel significativo.

Maneho Bienestar di Animal Aruba, MBAA ta e prome maneho cu banda di prevencion ta enfoca riba cambio di e relacion entre e ser humano y e animal. Un di e aspectonan di mas importante di e MBAA ta un ley nobo pa proteha



nos animalnan, Aruba pronto lo tin su propio "Dierenwelzijn Wet". Cu e ley aki nos por (1) proteha nos animalnan domestico (2) nos por pone abusadornan responsabel pa nan actonan di abuso y maltrato (3) nos ta structura e sistema di "ownership" di nos animalnan domestico. E ley aki ta e fundeshi cu nos mester traha pa asina nos por trece cambionan structural cu resultadonan positivo pa nos animalnan domestico.

Un otro aspecto importante den e maneho MBAA ta material di les cu lo wordo introduci

den curiculo di nos scolnan basico. E material di les aki ta sumamente crucial pa educa nos muchanan pa ta ciudadanonan responsabel cu sa con pa cuida nan mascota adecuadamente. Minister Arends ta enfatisa cu educacion ta e yabi pa asina nos por crea un futuro generacion cu tin e amor, empatia y respet pa nos animalnan y tambe nos naturalesa.

E ta importante pa menciona cu den cuadro di MBAA nos ta trahando conhuntamente cu diferente fundacionnan di rescate pa asina ehecuta campananan

di sterilisacion structural cu lo wordo organisa varios biaha pa aña, cuminsando e aña aki. Cu e sosten di stakeholders en general y comunidad nos por logra cantidad halto di sterilisacion di mascota pa asina cuminsa reduci e problematica di sobre poblacion di cacho y pushi cu nos tin na Aruba.

Ta hopi importante pa menciona cu Ministerio di Naturalesa ta trahando duro desde cu a keda encarga cu "dierenwelzijn" caminda a logra diferente metanan entre otro:

- Colaboracion cu Lock 4 Paws Foundation cu ta yuda esnan den necesidad cu cuminda pa nan mascotanan. Hunto cu Centro Control di Cacho a yuda 1272 mascota cu cuminda.
- Colaboracion cu Stimami Sterilisa caminda Ministerio ta provee microchips gratuitamente pa doño nan di mascota cu ta haci uzo di e programa di sterilisacion.
- Animal Welfare Center cu lo bira e centro pa animalnan domestico por keda ora

nan wordo recoge for di riba nos cayanan.

- Material di les pa nos scolnan. Un programa piloto cu lo inicia aña escolar 2024-2025 cu un grupo di scol caminda muchanan lo bay haya les pa nan por siña bira doño nan responsabel di mascota.

- Aruba Pet Registry tambe ta activo cu ta nos database central pa registro di mascota.

Tin hopi trabou dilanti nos pa loke ta trata bienestar di animalnan y ta spera di haya e cooperacion di comunidad pa e cambionan necesario cu lo mester bay tuma luga. Paso e problema aki ta di nos tur y e cambio ta cuminsa ora cu nos mes cuminsa tuma responsabilidad como doño di mascota y como ser humano cu empatia pa animal.

Pa informacion tocante animal semper por tuma contacto cu CCC na 5929777 y pa raporta caso di abuso of maltrato di animal por yama polis di bario.

APENAS 1 AÑA Y A PERDE SU BIDA DOOR DI ABUSO Y MALTRATO



Naci februari 2023, Khaleesi a conoce e banda horroroso di e ser humano. Na maart 2024 Khaleesi a wordo encontra ta sufri door di negligencia di su doño. Mara na un palo di mata pa lunas, su dianan tabata yena cu dolor y soledad. Apesar di e agonía di e cadena preta rond di su garganta, e la keda bringa pa su bida. Cu tempo su dolor a intensifica cu e yegada di seis yiu. Asina Khaleesi a keda en espera cu su doño lo por a tende su gritonan pa yudansa, yudansa di un doño cu nunca a yega!

Diadomingo 31 di maart 2024 Khaleesi a fayece.

Asina tin hopi cachó y pushi na Aruba cu ta sufri na man di esnan cu mester protehanan. Si bo wak cualkier señal di negligencia of maltrato, no duda pa raporta esaki na polis di barío.

Yama Centro Control di Cacho na 5929777 pa informacion of guia.





Abo ta un doño responsabel pa bo **mascota?**

- ✓ Cuminda Fresco
- ✓ Awa Limpi
- ✓ Den Cura Safe
- ✓ Sterilisa
- ✓ Microchip
- ✓ Vacuna

Tuma contacto cu Centro Control di Cacho
na 5929777 of bishita www.amitaresponsabel.org pa mas informacion.





MINISTER XIOMARA MADURO TA FELICITA GANADONAN DI COMPETENCIA ESCOLAR DI BAILE Y FOTOGRAFIA - DIA DI HIMNO Y BANDERA 2024



subida y bahada di solo ta algo fenomenal”.

Ganado Scol Preparatorio Competencia di Fotografia Aruba Orguyo di Nos Tur:. E ganado a resulta e hoben Emmanuel Garcia di Scol Preparatorio Cayena. E potret ganado a wordo describi como lo siguiente: “Mi ta sintimi orguyoso di e bunitesa di nos lama color blau scur bunita , cu ta rondona nos isla. Danki na e lama bunita aki nos tin hopi turista cu ta bin di afo pa disfruta di nos dushi isla. Mi Aruba stima mi ta orguyoso di bisa Arubiano mi ta”.

E aña aki Ministerio di Cultura conhuntamente cu Comision Celebracion Dianan Nacional a organisa un competencia di baile di e jingle, “Aruba, Orguyo di nos tur”, na unda cu klasnan di scol basico mester a crea un baile riba e jingle cu a ser componi y aregla pa e hoben talentoso Rygel Isabella y cu a wordo canta pa e hoben Jetzenia Martines. Ademas di esaki a organisa un competencia di fotografia pa muchanan di scol basico y scol preparatorio.

Ganado di Competencia di Baile Aruba Orguyo di Nos Tur:

Varios scol a participa den e competencia di baile. E



ganado di e competencia baile a resulta e muchanan di Scol Basico Prinses Amalia - Klas 4B, kendenan a presenta un bunita baile.

*Ganado Scol Basico

Competencia di Fotografia Aruba Orguyo di Nos Tur:.* E ganado a resulta e hoben Hayzey Arends di klas 4b di Colegio Conrado Coronel. E potret ganado a wordo describi como lo siguiente: “Mi Aruba



stima, ki orguyoso mi ta di tin bo como mi hogar. Cu orguyo mi ta comparti mi cas cu hopi bishitante, cu kier bin admira bo beyesa sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e

Minister Xiomara Maduro y Comision Celebracion Dianan Nacional ta gradici tur scol y muchanan pa a participa den e competencianan, como tambe danki na e docente y mayornan pa motiva y brinda ayudo na nos



Minister Dangui Oduber

MINISTER ODUBER TA HOPI SATISFECHO CU RESULTADONAN POSITIVO PA CU FONDO ANUAL DI AZV, DESPUES DI HOPI DECADA AZV TA SERA AÑA 2023 CU UN SURPLUS.

Diamars mainta Minister di Turismo y Salud Publico Sr. Dangui Oduber a reuni cu director di Organo Ehecutivo di AZV, ir.

Edwin Jacobs pa ricibi e cuenta anual di 2023 di e fondo di AZV. Ta despues di hopi decada AZV ta logra sera su aña cu un surplus cu ta garantisa invercion di miyones di florin cu lo wordo inverti den cuida medico den e proximo añanan nos dilanti.

AZV a indica un aumento di entrada danki na e crecimiento impresionante di nos turismo, e fondo di AZV su entradanan na prima y na BAZV a conoce un aumento. Ademá, AZV a logra financia cierto



inversionnan importante den cuida cu a keda posponi pa motibo di pandemia y den Juni 2023 a firma un acuerdo di e zorgakkoord cual

un di e temanan ta invercion pa reenforza e prome liña di cuida. Minister Oduber ta orguyoso di por haci inversionnan den

cuida y ta anuncia cu despues di hopi aña a inverti 13,5 miyon florin cu a keda reparti di e siguiente forma:

- Hospital 5,1 miyon
- Imsan 4,1 miyon
- Stichting BOB 1,8

miyon

- Respaldo 1,0 miyon

• 1,4 miyon den estudio pa e POHnan, plataforma di estudio pa dokternan di cas, desaroyo di Aruba Health app y desaroyo di e cuadro financiero multi anual.

Minister Dangui Oduber ta expresa su satisfaccion pa e recuperacion rapido di e fondo despues di pandemia y e fortificacion cu ta tumando lugar y e compromiso di como ministerio di turismo

pa sigui percura pa e entradanan necesario pa e fondo wordo inverti pa e mehoracion den e sector di cuida na Aruba.

Finalmente, Minister Oduber ta gradici AZV y su team pa e forma diligente di maneha e gastonan y ta expresa cu ta importante pa sigui contribui na e sostenibilidad financiero di e seguro medico, garantizando acceso na cuida di calidad pa nos aseguradonan awe y den futuro.

SINTONISA

CONFERENCIA DI PRENSA
DI GOBIERNO DI ARUBA

Gabinete Wever-Croes

DIALUNA Y DIAHUEBS | 10:00 AM

Minister Dangui Oduber Minister Dangui Oduber MEHORANDO ACCESIBILIDAD, CUIDO Y SERVICIO

Diamars atardi Minister Dangui Oduber tawata invitado na Imsan pa apertura di HOED na San Nicolas. Ta cu gran placer y entusiasmo Minister Oduber a atende e evento aki pa muestra e compromiso cu e tin ma mehora calidad di cuidu y servicio. HOED lo bay yuda fortifica e prome liña di cuidu na Aruba. E ocasion special aki ta significa un paso padilanti den



Asina aki lo demostra un honor pa como cu esfuersonan Minister di Salud Publico presencia continuo di tur den e logro aki. E la

“Huisartsen Onder Een Dak” lo bai ofrece servicio consistiendo di 5 docter di cas, 3 docter assistant, 1 POH y un VP. Minister a expresa aprecio profundo pa e dedicacion y contribucion di cada trahado na Imsan.

E apertura di HOED a demostra un otro accion concreto di minister pa introduci algo nobo pa Aruba su cuidu medico. Di e forma aki ImSan ta amplia su servicionan pa nos comunidad. E ultimo 10 simanan a traha hopi duro pa prepara e oficinanan pa nan ta operacional. Un biaha mas minister Oduber a confirma cu accionan concreto e compromiso cu e tin pa eleva e calidad di cuidu medico na Aruba. Minister Oduber a termina su speech dunando felicitacion na Imsan pa yega na un otro logro impresionante y



ministerio di salud su compromiso pa mehora e calidad di servicio di cuidu di salud disponibel ariba nos pais. Na Juni 2023 a firma un acuerdo di cuidu (zorgakkoord) cual un di e temanan importante tawata pa reenforza e prome liña di cuidu. HOED lo reenforza e prome liña di cuidu y trece mas accesibilidad na nos pashentnan cu mester di e cuidu y lo amplia e capacidad pa sirbi mas pashent.

keda vanguardia e calidad di cuidu na Aruba cu innovacion y exelencia medico. Minister Dangui Oduber tawata tin e oportunidad di hiba palabra unda e la menciona cu pe ta menciona cu sigur e resultado lo ta un impacto profundo di un servicio di calidad halto cu lo wordo ofreci na e aseguradonan pariba di brug. HOED cu ta



E compromiso cu ta keda demostra unda cada pashent cu ta pasa door di e portanan di Imsan ta ricibi un tremendo servicio y trato medico ta alinea perfectamente cu e vision di ministerio di salud, pa un pais mas inclusivo, inovativo y avansando e servicio di cuidu.

a desea Imsan hopi exito. Na mes momento Minister a gradici tur e docternan cu ta bay cu pensioen, danki na dr. Geerman-Tromp, dr. Every, dr. Lunchman y dr. Boderie. Un palabra di profundo gradicimento pa nan servicio y dedicacion na tur añanan di trabou.





Minister Endy Croes:

A FIRMA UN ACUERDO CU KONINGLIJKE NEDERLANDSE BASEBALL AND SOFTBALL BOND

Team Kingdom of The Netherlands lo hunga na Aruba dia 29 di october pa 4 di november 2024.

Diaranson mainta, Minister di Enseñansa y Deporte Endy Croes hunto cu director di Koninglijke Nederlandse Baseball and Softball Bond (KNBSB) Sr. Stefaan Eskes a firma un acuerdo, unda Team Kingdom of the Netherlands lo hunga tres (3) wega na Aruba, dia 29 di october pa 4 di november 2024. Durante Conferencia di Prensa di Gobierno di Aruba, presidente nobo di Amateur Baseball Bond Aruba (ABBA) Sr. Kevin James, kende ta forma parti di e comision organizado a elabora riba su vision encuanto baseball di Aruba y a gradici e mandatario di Deporte pa sostene e disciplina di baseball na Aruba. Team Kingdom of the Netherlands ta consisti di e miho hungadonan profesional di Hulanda, Curaçao y Aruba y lo competi den Premier 12 di World Baseball Softball Confederation, cual lo tuma luga na Mexico, dia 10 pa 14 di november 2024. E 12 miho paisnan cu a keda selecta e aña aki ta entre otro, Merca, Mexico, Colombia, Venezuela, Puerto Rico,

Republica Dominicana, Hapon, Korea, Cuba, Panama y Kingdom of the Netherlands. Finalmente, Minister Endy Croes a gradici Aruba Tourism Authority (ATA), Fundacion Lotto pa Deporte (FLPD), Stichting Sportsubsidie Aruba (SSA), Fundacion Facilidatnan Deportivo (FFD), Instituto Biba Saludabel y Activo (IBiSA), Aruba Sport Unie (ASU), Double Down Sports Bar & Grill Restaurant na Eagle Resort Aruba y tur cu a haci esaki posibel. Minister Endy Croes ta invita Pueblo di Aruba pa bin apoya e hungadonan den Kingdom Series 2024. Den union ta logra cosnan grandi pa deporte di Aruba.



2024

AÑA DI STABILIDAD Y PROSPERIDAD



Gabinete Wever-Croes

Ora nos cana den cayanan di San Nicolas cu ta dorna cu artenan mahestraal aki, nos ta realisa cu bunitesa por wordo haya den luganan menos spera. Arte di muraya ta e language visual cu ta conecta culturanan, na unda cu por aprecia historia, color, fantasia y dedicacion.

